

che à visto il tutto, la intrata di l'Imperator, et li do re Hongaria e Polana in Viena, et le noze fate e concluse et presenti dati, *ut in litteris*, ch'è molto copiose; le copie sarano qui avanti poste.

Da poi disnar, fo Gran Consejo, et *etiam* vi vene il Principe. Fo prima posto una parte presa nel Consejo di Pregadi a di . . . di questo, che il consolo di Alexandria da esser electo, atento molti habino refudado, che per questa volta l'habi neto a l'anno li sarafi 400, zoè 200 li dà il signor Soldan, et 200 la Signoria nostra, quali siano per spexe, di quali non monstri alcun conto, con tute altre utilità come fo electo sier Marin da Molin et sier Thomà Contarini. Ave 60 di no, 1414 de si; e fo presa.

Fu poi lecto, per Zuan Balista di Adriani secretario dil Consejo di X, do parte: una dil 1482, a di 8 Novenbrijo, presa nel Consejo di X, che non si debi procurar in Gran Consejo *sub pena etc.*, e l'Avogador debi dar sagramento a li banchi si àrano alcun procurato; l'altra 1484, a di 11 Mazo, presa pur in dito Consejo di X, che non si possi star a le scale e dar boletini di tor etc., *ut in parte*.

Veneno poi a la Signoria sier Zuan Foscarei qu. sier Agustin, et oferse, per nome di suo barba sier Marco, ch'è amalato, ducati 700 prestar; et poi andò sier Almorò Donado qu. sier Piero et portò in uno sacheto ducati 400; sichè, computà li altri, prestoe ducati 500. Et questi do per il Canzeliero grandò fono publicadi, che mossi da zelo di la patria i tal si sono venuti a oferir et imprestano, exortando altri a far simel officio che farano cosa grata a l'Eterno Dio e a la sua patria, et saranno honoradi, come si vede farsi, quelli serveno di danari Per il che alcuni andono, che fono avanti fosse chiamà li banchi: Sier Zusto Guoro ducati 100 et sier Zuan Francesco Morexini qu. sier Piero, da San Cassan, ducati 500. Et poi chiamà le eletion, questi tre subsequenti, visto erano di soi in eletion, andono dal Principe a oferirli altri danari, come dirò di soto, et questo fono sier Marin Trivixan qu. sier Marchiò, qual havea do in 287 · eletion ch'el toleva di Pregadi, sier Piero Moro qu. sier Bortolanio in la prima, et in la terza sier Marco Contarini qu. sier Zacaria el cavalier suo cognado; et sier Michiel di Prioli havea in la seconda sier Bernardo Zane et in la quarta sier Hironimo Dandolo qu. sier Francesco, suo cognado. *Etiam* in la quarta sier Zuan Malpiero qu. sier Hironimo havea sier Giacomo da Zenèvre, et cussi tutti tre rimaseno di Pregadi, et do altri che l'ul-

timo Consejo prestono, che fo sier Matio di Prioli qu. sier Francesco, fo provedador sora il Flisco, et sier Piero Mozenigo, fo provedador sora la camera d'imprestedì, qu. sier Francesco. Nè altri di questi à dà danari, fo tolti che questi 5, e tutti rimaseno. Cazete molti titoladi grossi, tra li qual sier Alvixe Bon dotor, è di Pregadi; sier Marco Loredan, fo avogador, qu. sier Domenego; sier Francesco Gradenigo, fo di Pregadi; sier Francesco Corner, è di la zonta, di sier Zorzi procurator, qual è andato in Jerusalem; sier Domenego Loredan et altri con titolo; et sier Almorò Donado predito fo in eletion, e non si potè cavar di Pregadi. Fu fato patron a l'Arsenal sier Ferigo Morexini, fo patron in Fiandra, fo a la custodia di Padoa con homeni 20, qu. sier Hironimo, qual passa di balote . . . Consolo in Alexandria sier Tomà Marin, fo a le raxon vechie, di balote 300, da sier Zacaria Contarini, fo podestà a Citadela, di sier Alvise, che rimase consolo in Alexandria, et refudoe per il poco salario havia *tunc*.

*Questi sono quelli ozi publicati et si oferse ozi a Consejo prestur danari a la Signoria.*

Sier Almorò Donado qu. sier Piero, in tutto	ducati 500
Sier Marco Foscarei qu. sier Zuane	» 700
Sier Zusto Guoro qu. sier Pandolfo	» 100
Sier Zuan Francesco Morexini qu. sier Piero da San Cassan, altri	» 500

Poi chiamà i banchi a capello:

Sier Marin Trivixan qu. sier Marchiò, ancora	» 700
Sier Zuan Malpiero qu. sier Hironimo	» 600
Sier Michiel di Prioli qu. sier Constantin, altri	» 300
	» 3400

*Questi mò fo tolti et rimase ozi dil Consejo di Pregadi.*

† Sier Marin Trivixan, è di Pregadi, qu. sier Marchiò, dopio . . . . .	945.601
† Sier Michiel di Prioli, che donò ducati 150 per i bisogni di Padoa, qu. sier Constantin, qu. sier Zacaria procurator . . . . .	882.654